



HAYOT DAVOMIDA TA'LIM OLİSH: YANGI
PARADIGMALAR VA KUTILADIGAN NATIJALAR
FAN, TA'LIM VA AMALIYOT INTEGRATSIYASI

ISSN: 2181-1776

Утанов У.¹, Абдусаматов А.²

¹Самарқанд ВХТҲҚТМОҲМ доценти,

²Жиззах давлат педагогика институти магистранти

**УМУМИЙ ЎРТА ТАЪЛИМДА МУСИҚИЙ ТЎГАРАКЛАРНИ
ТАШКИЛ ЭТИШ**

Аннотация. Ушбу мақолада умумий ўрта таълимда синфдан ташқари дарс машғулотларининг мақсад ва вазифалари, мазмун моҳияти ҳақида сўз бориб, синфдан ташқари машғулотлар, хусусан, мусиқий тўгараклар ташкил этиш бўйича фикр-мулоҳазалар баён этилган.

Мусиқа комил инсон тарбиясида уни эзгуликка етакловчи, маънавий дунёсини бойитувчи, ахлоқий тарбияловчи, эстетик дидини оширувчи муҳим омиллардандир. Шу туфайли ҳам бола камол топишида, унинг тарбия, таълим олиш жараёнларининг ҳар қандай босқичи ва кўринишларида мусиқий тарбиянинг ўрни бекиёс. Бугунги кунда Янги Ўзбекистон ҳар томонлама ривожланиш жараёнларида ўз олдига бир қатор муҳим вазифаларни қўяр экан, мусиқа маданияти узлуксиз таълим тизимининг бўғинларида қай тарзда амалга оширилиш муаммоларини ҳам долзарб масалалардан бири сифатида қаралади.

Президентимиз Шавкат Мирзиёев: “...маданиятимизни тиклаб бормасак, эртага маънавий озуқа бўлмаган элда, халқда, ёшда ютуқ бўлмайди”¹, - деб таъкидлар экан, бу соҳада бир қатор фармон, қарорларнинг

¹ О'zbekiston Respublikasi Prezidenti Sh.M.Mirziyoyevning Namangan viloyati faollari bilan o'tkazgan yig'ilishidagi nutqidan. 2020-yil 27-iyun.



қабул қилинишидан мусиқанинг ёшлар тарбиясида нақадар муҳим ўрин тутишини англаш мумкин.

Умумий ўрта таълимда ўргатилаётган ҳар бир фаннинг мақсад ва вазифалари белгилаб қўйилган. Мусиқа маданияти фанининг ҳам ўз мақсад, вазифалари бўлиб, умумтаълим мактабларида мусиқа маданияти фанини ўқитишдан кўзланган асосий мақсад ўқувчиларнинг маънавий, бадиий ва ахлоқий маданиятини, миллӣ ғурур ҳамда ватанпарварлик туйғусини шакллантириш, тафаккурини кенгайтириш, болалардаги ижодий маҳорат, нафосат ва бадиий дидни ўстириш ҳамда ташабbusкорликни тарбиялашдан иборатdir.

Синфдан ташқари мусиқий тарбиянинг асосий мақсади ўқувчиларни иложи борича кўпроқ оммавий ва тўгарак ишларига жалб этиб, уларнинг дунёкарашини ҳар томонлама ривожлантириш, бадиий дидини ўстириш, табиатга, Она - ватанга бўлган меҳр - муҳаббатини оширишdir. Мазкур мақсадни амалга оширишда мактабларда мусиқа дарсларидан ташқари, оммавий ва тўгарак ишлари олиб борилади. Синфдан ташқари мусиқий тарбиясини икки шакли мавжуд.

1. Мусиқа тарбиясининг оммавий шакли.
2. Мусиқа тарбиясининг тўгарак шакли.

Синфдан ташқари мусиқа тарбиясининг оммавий шаклида болаларни мусиқий ўқувини текширувдан ўтказмай, ялпи тарзда жалб этишни тақозо этади.

Ўқувчиларга синфдан ташқари ишлар тизимини жорий этишда фикрлаш қобилиятларини ўта зўриқтираслик учун содда ва қизиқарли “метод”лардан фойдаланиш лозим. Маънавиятини бойитиш орқали, энг аввало ўсиб келаётган ёш авлод, аждодлари, бойликлари, хусусан анъана ва урфодатларимиз ҳақида мустақил фикрлашга эга бўлмоқлари лозим. Ўқувчиларда мустақил фикрлаш қоидаларини ривожлантирар эканмиз, айниқса бошланғич синф ўқувчиларининг бурро-бурро қилиб гапиришлари, мустақил фикрлай олишлари, энг муҳими миллӣ мусиқани онгли равишда идрок этиб, расмни жонли тарзда тасвирлашлари аҳамиятлиdir.

Болалар турли кўринишдаги синфдан ташқари ишларда иштирок этиб ўзларининг индивидуал хусусиятларини намоён этибина қолмайдилар, балки жамоада яшашни, яъни бир-бири билан ҳамкорлик қилиш, ўз ўртоқлари ҳақида қайғуриш, ўзини бошқа киши ўрнига қўйишни ўрганадилар. Шу билан бирга синфдан ташқари ишларнинг ҳар бир тури ўқувчиларни муайян йўналишидаги ўзаро ҳамкорлик тажрибасини бойитади. Турли хилдаги синфдан ташқари тарбиявий ишлар болаларда хилма-хил фаолият турлари бўлган қизиқишини ривожлантиришга самарали, жамоатчилик томонидан маъқулланадиган ишларда фаол иштирок этиш истагини уйғотишга ёрдам беради. Агар болада топшириқларни бажаришда унинг муваффақиятини таъминловчи муайян амалий кўникмалар билан бирга, меҳнат қилишга қизиқиши шаклланган бўлса, у ўзининг фаолиятини мустақил равишда ташкил этиши мумкин. Бу эса болаларнинг бўш



вақтларида ўзларининг бирор-бир фойдали иш билан банд эта билмасликлари ҳозирги пайтда айниқса долзарбдир.

Мусиқа тўғаракларини ташкил этиш ва бошқариш мактабда мусиқа тарбиясининг оммавий шаклларини уюштириш ва ташкил этиш мусиқа тўғарак раҳбарининг зиммасига юклатилади ва вазифасига киради. Шу билан бирга, мактабдан ташқари мусиқа тарбияси марказлари билан алоқада бўлиб, иқтидорли ўқувчиларни уларга жалб этиш ва фаолиятини мактаб ҳаётида ҳам мусиқа тўғарак раҳбарининг зиммасидаги вазифасидан биридир.

Мусиқа педагогларнинг асосий вазифалари ўқувчиларга машғулот жараёнида билим беришдан иборат бўлса, шу билан бирга мусиқий ва мақсадга йўналтирилган тарбиявий синфдан ташқари тўғаракларни ҳам ташкил этишдан ҳам иборатдир.

Бизга маълумки, мусиқа тўғараги раҳбарининг чолғу ижрочилиги, юксак касбий маҳорати, нутқ маданияти, мусиқа саводхонлиги бўйича тўғри кўрсатмалар бериши «Таълим тўғрисида» ги қонун, бир қатор таълимга оид қарор, фармонлар мазмунини теран англаши зарур. Шундагина унинг машғулот ўтиш тамойиллари, тадбирларни мазмунли ташкил этиш ижодкорлиги ортиб боради. Шу билан бирга педагоглар халқ анъаналарини чукур билишлари, хусусан, маънавий тарбия маросимлари ва ундаги қўшиқларни ўргатишда мусиқа санъатидан тўғри фойдалангани ҳолда саҳнани безашни ҳам оқилона уddeлаши зарур.

Юқоридаги фикрларнинг давоми сифатида умумтаълим мактабларида мусиқа тўғараклари ҳам ташкил этилиб, мусиқа тўғарак раҳбарининг машғулот жараёнида қандай фаоллик билан иш олиб борса, тўғаракларда ҳам ўқувчи – ёшларни машғулотга шу қадар кўпроқ қизиқтира билиши даркор. Хусусан, мусиқа тўғаракларида болаларнинг ижодкорлиги, истеъоди ҳам муҳим саналади.

Мусиқа тўғарак раҳбарининг маҳоратида ҳам, ўзбек халқининг анъаналарини чукур билиш, урф-одатларини ўқувчилар онгига сингдириш ва миллий куй-қўшиқларни англаш ва куйлаш қобилиятига эга бўлиши муҳим ахамият касб этади. Шуни таъкидлаш керакки, жойлардаги мусиқа тўғаракларининг барчаси тўғарак раҳбаридан фақат ижод ва ижодкорликни талааб этади. Мусиқа тўғаракларининг фаолияти кўпроқ тадбирлар билан боғлиқ бўлгани ҳолда тўғарак раҳбари ўз режасини йил саналаридан келиб чиқиб тузиши мумкин.

Хулоса ўрнида айтиш мумкинки, синфдан ташқари тарбиявий ишлар хусусан, мусиқа тўғаракларининг ҳилма-хил фаолият турлари болага тарбиявий таъсир кўрсатиш билан биргаликда уларда ижодий фаолият, еркин фикрлаш, меҳнатсеварлик каби фазилатларининг ривожланишига хизмат қиласи.



Адабиётлар рўйхати.

- 1.Ўзбекистон Республикасининг Таълим тўғрисидаги Қонуни,. 23.09.2020 йилдаги ЎРҚ-637-сон.
- 2.Шарипова Г. Асамова Д. Ходжаева З. “Мусиқа ўқитиш назарияси методикаси ва мактаб репертуари”. Тошкент. 2014-йил.
- 3.Шарипова Г. Нажмекдинов F. «Мусиқа ўқитиш методикаси практикуми” ўкув қўлланма. “Турон-Иқбол” нашриёти. Тошкент., 2014-йил.
- 4.Kasimova, O. K. (2016). The Schools for Girls in Central Asia: the Meaning of Education and Methodology. *Eastern European Scientific Journal*, (3).
- 5.Xudoynazarovna, Q. O., & Alisher o'g'li, H. A. (2022). SOCIO-PEDAGOGICAL MATERIAL TO ENSURE THE CONTINUITY OF FAMILY, NEIGHBORHOOD AND EDUCATIONAL INSTITUTION IN THE FORMATION OF SPIRITUAL AND MORAL VIRTUES OF STUDENTS. Modern Journal of Social Sciences and Humanities, 4, 342-344
- 6.Qosimova, O., & Jaxbarov, O. (2022). PEDAGOG XOTIN-QIZLAR SHAXSIGA QO'YILADIGAN PEDOGOGIK PSIXOLOGIK TALABLAR. Gospodarka i Innowacje., 22, 643-645.
7. The role of excursions to spiritual places in the development of the spirituality of the younger generation Utanov Utkir Kurbanovich 699-702 10.5958/2249-7137.2021.01979.0